

Дунёда илк бор шишали масжид қурилди



08:45 / 03.04.2019 3511

Ҳиндистон Мегхалая штати Шиллонг шаҳрида дунёдаги биринчи шишали масжид пайдо бўлди, деб хабар бермоқда islamisemya.com.

«Ушбу масжид барча динларнинг бирлиги рамзи ҳисобланади», — дейди Ҳиндистон миллий озчилик ишлари бўйича Иттифоқ давлат вазири Винсент Н.Пала.

Вазир Мадина масжиди деб номланган ва Ҳиндистондаги фақат шишадан қурилган тўрт қаватли илк масжиднинг ўзига хослиги ва алоҳида маънавий муҳитини ҳақида алоҳида эътироф этди.

Тунги вақтда сунъий қўшимча ёритиш воситалари сабабли масжид ўзгача тарзда чарақлаб туради. Бир неча минг намозхонларга мўлжалланган масжидда аёллар учун алоҳида хоналар кўзда ҳам бор.

Бу масжидда, шунингдек бўлажак имом-хатибларни етиштириб чиқарадиган диншунослик институти ҳам фаолият юритади. Мадина масжидида ислом фанлари ва дунё динлари ҳақидаги адабиётлардан иборат кутубхона мавжуд. Бу ерда истовчиларга Ислом дини ҳақида маърузалар ўқилади ва дарслар берилади, бунинг учун барча шарт-шароитлар яратилган.

Шуни таъкидлаш лозимки, аҳолиси 1,1 млрд бўлган Ҳиндистонда 160 млн. муслмон истиқомат қилади. Муслмон аҳолисининг сони бўйича Ҳиндистон дунёда Индонезия ва Покистондан кейин учинчи ўринда туради.

